

**Protocol da la sezzüda dal Cussagl cumünal da lündeschdi,
27 lügl 2009, a las 20.00, acta 25**

Preschaints: Jon Carl Rauch; Chasper Alexander Felix,
Jachen Andri Schmidt, Marianne Werro-Lehmann
Rico Zini (protocol)

S-chüsà: Georg Salomon

Tractandas:

214. Protocol

Il Cussagl cumünal approva il protocol da la sezzüda dals 20 lügl 2009, acta 24.

Protocol

215. Orientaziuns

1. Serrada da la via

Il schef da fabrica orientescha ch'el haja tut sü contact culla firma da fabrica chi vaiva organisà la serrada da la via d'ürant l'installaziun d'ün grü. In avegnir ston talas serradas da vias cumünalas gnir annunzchadas al manader tecnic cumünal a temp ütil.

Orientaziuns

2. Progettaziun via da basa Sur En

Sar Albert Mayer ingrazcha cun charta per la surdatta da lavur e per la fiduzcha demuossada.

3. Festival da teater sün via a Sent

Il comitè d'organisaziun dal festival da teater sün via a Sent ingrazcha cun charta pel sustegn finanziel davart dal cumün.

216. Permiss da fabrica – Jon Cantieni – Refar il mür – Chasellas

Il Cussagl cumünal decida da dar il permiss per refar il mür cun seguaintas cundiziuns:

1. Tenor la dumonda e'ls plans fats buns ed acclus al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:
- taxa da trattamaint: fr. 100.--
3. L'acconsentimaint dals vaschins es avantman.

Permiss da fabrica,
Jon Cantieni,
Refar il mür, Chasellas

217. Permiss da fabrica – Nicolas Suter – Sanaziun dal tet – Stron

Il Cussagl cumünal decida da dar il permiss per far la sanaziun dal tet cun seguaintas cundiziuns:

1. Tenor la dumonda e'ls plans fats buns ed acclus al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:
- taxa da trattamaint: fr. 100.--

Permiss da fabrica,
Nicolas Suter,
Sanaziun dal tet,
Stron

218. Permiss da fabrica – Albert Lanter – Sanaziun dal tet – Surataglia

Il Cussagl cumünal decida da dar il permiss per la sanaziun dal tet cun seguaintas cundiziuns:

1. Tenor la dumonda e'ls plans fats buns ed acclus al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:
- taxa da trattamaint: fr. 100.--

Permiss da fabrica,
Albert Lanter,
Sanaziun dal tet,
Surataglia

219. Permiss da fabrica – Nikolaus Bösch – Renovaziun da la fatschada – Plaz

Il Cussagl cumünal decida da dar il permiss per renovar la fatschada cun seguaintas cundiziuns:

1. Tenor la dumonda e'ls plans fats buns ed acclus al permiss da fabrica.
2. Il Cumün in chascha seguaintas taxas tenor il reglamaint da taxas e sia agiunta:
- taxa da trattamaint: fr. 50.--
3. Las puntinadas vers vest, chi stan fingià daspö ons, han da gnir levadas.

Permiss da fabrica,
Nikolaus Bösch,
Renovaziun fatschada,
Plaz

220. Decrets per suottametter a la planisaziun cumünala

Seguaints fabricats vegnan suottamiss al decret da planisaziun ch'id es gnü decis illa sezzüda dal Cussagl cumünal dals 11 mai 2009.

- Roland Staub – Chasa nouva d'abitar - parcella 609
- Bruno Rüedi / Regula Leuppi – Abitaziun nouva – parcella 606

Decrets per suotta-
metter a la planisaziun
cumünala

221. Sömmi Bar

Il schef da fabrica orientescha sur da la sezzüda dals 21 lügl 2009 cul respunsabels dal Chantun a regard la prolungaziun dal permiss per la Sömmi Bar. I's es gnü a la conclusiun ch'el possa manar amo üna stagiun in quist möd la Sömmi Bar. A partir da la stagiun 10/11 ha sar Armon Taverna da far üna dumonda per ün permiss sün plüs ons. L'adöver ha da gnir reglè in ün contrat, e davart da l'Uffizi per la natüra daraja lura eir prescripziuns plü severas. Il Cussagl cumünal spetta in quel sen üna dumonda da fabrica (procedura BAB).

Sömmi bar

222. Piazza da sport Palüzot

Il Cussagl cumünal decida da plazzar in Palüzot d'ürant la fabrica dal lavuratori cumünal ün Toi Toi per la piazza da sport. Davò la fabrica es l'access per rivar pro las tualettas plü simpel.

Implü vain remarchè chi detta ün problem culla drenascha cur chi sdrela il glatsch da prümvaira. L'indschegner vain contactà.

Piazza da sport

223. Elecziun – Cumischiun per la sanaziun da la chasa da scoula

Il schef da fabrica orientescha chi saja fingià uossa bun d'eleger üna cumischiun chi piglia per mans la sanaziun da la chasa da scoula. Seguaintas persunas sun prontas da far part a quista cumischiun: Jon Curdin Felix (manader tecnic), Jon Cantieni (Cussagl da scoula) e Dur Vital. Il Cussagl cumünal elegia las persuna sco proponü.

Cumischiun chasa
chasa da scoula

224. Persunal da cumün, augmoint da paja real

Ils impiegats dal chantun survegnan per la prüma jada daspö l'on 1990 ün augmoint da paja real da 2 %. Ils impiegats cumünals suottastan al uorden da persunal chantunal. Perquai decida il Cussagl cumünal da conceder l'augmoint real da 2 % per tuot il persunal (eir ils impiegats a temp parzial) e quai a partir dals 1. september 2009. Quist termin es gnü tschernü causa cha pels magisters es integrà quist augmoint da paja automaticamaing, tenor LBVO, pel cumainzamaint da l'on da scoula.

Augmoint real da paja

225. Reponderaziun – Dar a fit local a Sur En per la maschina da loipa

Il capo orientescha cha la società Loipa Scuol-Martina nun haja la pussibilità da pajar daplü sco fr. 4'000.-- l'on. Il Cussagl cumünal reponderescha per quai la decisiun dals 13 lügl 2009 e decida il seguaint:

- Il cumün es pront da dar a fit il local a Sur En per ün fit da fr. 4'000.-- l'on. Però la forza electrica ha da gnir pajada separà.
- Cun quai cha l'investiziun da raduond fr. 29'000.-- es relativ gronda pretenda il Cussagl cumünal üna garanzia da 5 ons per pudair dar a fit quel local.

Fittanza local a
Sur En

226. Sgürezza da las punts pendossas in Sinestra

Il capo orientescha d'üna expertisa fatta, tras incumbenza dal cumün, a regard la sgürezza da las punts pendossas in Sinestra. Tenor il rapport füssa d'investir grondas summas per accumplir 100 % las prescripziuns da sgürezza. I seguirà amo ün' otra expertisa d'ün perit chi ha gronda experienza cun eriger talas punts.

Punts pendossas

227. Diversas schefs

1. Chava da glera Parnarsura

Illa chava nun esa practicamaing plü ingün lö per deponar material net da s-chav. I nu's faiva quint chi gnia deposità quist on uschè bler. Pel marchà da fabrica da la regiun es il lö a Parnarsura fich important. Üna varianta pussibla füss chi's mettess a disposiziun ün lö intermediar in vicinanza per depositar 50'000 m3 e quai per üna dürada da max. 10 ons. Il material deponà po gnir davo dovrà per implir sü las fouras e per recultivar la chava. Quista varianta ha da gnir sclerida culs uffizis chantunals.

Il Cussagl cumünal es da princip perinplet d'inchaminar quista via.

Diversas schefs

228. Varia

1. Scuar las vias

La schefa da sanità manaja chi füss per quist on chi vain da büdschettar daplü per scuar las vias. L'intimaziun vain tut incunter ed i's guarda d'ameglrar la chosa.

Varia

Fin da la sezzüda: 22.35

L'actuar: